


世典

卷二十一

卷二十一



幸魯盛典卷二十一

扈從

聖駕釋奠闕里兼

幸孔林恭紀百韻

太子太傅保和殿大學士兼禮部尚書 臣 王 熙

帝德開堯舜王風懋禹湯淵源歸夫子統緒屬

今皇百代心符契千秋道頡頏

臨雍隆典禮講學肅冠裳寤寐親賢哲甄陶偏黨庠

覃敷文教志勳濯武功張參贊通三極含弘暨八

荒醜泉流浩浩膏露降濔濔圃已遊麟鳳郊真絕





虎狼會朝班玉瑞垂拱堦珠囊泰運占六永乾行  
本自強學准明體用理必晰毫芒地衍龜龍數天  
騰奎壁光鏡圖歸掌握山海盡梯航中澤無鴻鴈  
平疇裕積倉照臨儼有赫咻與視如傷效順徵河  
岳隨時若雨暘蠲租仁自遠解網澤何長風動羣  
從欲陽和立起僵貞符逢甲子元會際陶唐九月  
宜秋狩幽風正築場康衢馳

鳳輦飛騎躍

龍驤先問齊吳俗旋臨鄒魯鄉省耕歌夏后時邁歷  
周疆泰岱迥重接龜蒙近可望晉丘曾誌祀絳節

更迴翔視聖觀直履嚴師樹表巧物章存掌故考  
核俾精詳集議咨宗伯先期遣奉常樂教曲阜習  
衣自辟雍將

宸斷超前古尊崇極帝王遵塗經費邑覽嶂憩林塘杖  
履如親炙川原未渺茫漣漪昭大道臨眺煥

宸章肆觀隨

行在恭迎側路旁上公深儼怡萬姓競歡康列幕周  
環衛齋宮敞

御床分曹儀制備序事駿奔忙曉漏籌初唱宵衣夜未  
央紅雲紛繚繞黃屋獨高昂

玉趾行中道金貂翼兩廂升階容漆漆承然氣洋洋  
彩碧輝廊燕丹青畫棟梁巍我聯象緯陟降見羹  
牆我

后惟恭默千官共濟躋祝辭親致奠綴兆儼成行桐篋  
懸鐘鼓形鹽間豆觴塤篔兼鳳管琴瑟竝笙簧燭  
影明於晝爐煙細不颺迎神先奏曲奠帛早承筐  
此日芹爲菜當年食必薑牲牲羅鼎實酒醴挹神  
漿雕績陳筵几薌苾進稻梁具邊盛棗栗秉箏舞  
簪笄醢鹿常爲脯橐魚欲勝魴諸賢洵紹統  
啓聖實開祥版祀欣同舉褒崇可共當精誠交冥漠

明德薦馨香祖烈須揚大孫謀行用臧承前誰接  
武考業孰盈細髮歷奎文閣末登詩禮堂談經訂  
格致闡易辨陰陽

天語何諄篤家聲在熾昌存心宜勿替敦行有餘慶劍  
佩容猶昨琴書澤未亡循牆心自切懷古意難忘  
行教圖傳賜雲雷制本商額題師表燦蓋拂廟庭  
黃有地壇名杏無枝檜似銅靈根關氣運

天賦重琳瑯古石苔斑駁唐槐肄遠揚摩碑知米芾聞  
教憶陳亢後壁藏皆出寒泉汲獨嘗登堂思慨慕  
拜墓益齋莊樹撫欒檀老花拳文草芳艷著符易



三會盛典 卷二十一 三  
數奇木植諸方華表寧歸鶴端門定集鳳禽蟲咸  
感格荆棘絕披猖瀆伏流穿濟山紆翠帶訪儒風  
興奕世大義重三綱博物知萍實先幾辨上羊輒  
常環海內道自在行藏彬郁從周禮裁成抑魯狂  
筆真嚴斧鉞歌豈棄滄浪漢祀恒相襲秦灰總不  
妨賞心時至止撫景越相佯增城餘千畝題詩爛  
七襄

賜書篇鄭重頒錦色輝煌爵秩

恩加厚松筠操比霜一門邀

寵錫四野樂倉箱漢代強分肉齊侯臣發棠觀光欣藹

藹受福詠穰穰廣遠原無外高深豈易量且明嚴  
對越扈從愧助勦瞻仰茲何幸趨承恐未遑有臣  
時抑抑待

命實惶惶夙凜心如水還期道勝剛誕登今在望灑掃  
志初償書已先呈洛星看早聚房小臣慚獻頌拜  
手慶元良

恭紀

幸魯盛典五十韻

文華殿大學士兼吏部尙書加一級臣宋德宜

天縱膺圖錄

皇猷秉憲章欽安侔古帝道德邁前王已契精微統還  
登詩禮堂琴書貽典則几杖迺津梁遂省詞臣奏  
爰收給事囊

龍旂指魯甸

鳳輦出東方日觀峒堯基天齊控馭長升功稽具典  
建嶽鎮非常漢檢埋何處秦碑蹟已荒惟聞小天



下兼亦望餘杭泗境平如掌泉林水似湯循環川  
上意親切

聖人鄉

行殿衣裳肅齋宮劍珮忙香煙分御鼎玉帛貯承筐  
奔走東家裔趨踰贊禮郎明禋繩柅豐干羽叶笙  
簧

展拜申殊敬鳴謙蹈允臧

天顏惟穆穆侍從更煌煌

講幄陳書卷談經晉秀良繫辭宣秘奧大學闡微茫  
孰許圓橋聽惟傳循吏當可知恐獨賞動念切如

傷縫掖誰能畫音容儼不忘吳生推妙手顧凱亦  
專場寓目傳家器旁觀韞匱藹尊罍刻犧象班駘  
富珩璜壁甃千尋井金絲萬仞竊杏壇猶歷歷檜  
樹轉蒼蒼師衣新題額松筠復建坊

思波誠浩浩

膏露正灑灑古宅殊東第佳林異北邙墓門羅瑞草  
洙水接銀潢止輦勤瞻仰升階布肅將壺傾三島  
露杯酌五雲漿木亦稱端楷著能貢吉祥松垆光  
秀發榛莽色飛揚豈繫家行慶端由運際昌

榜懸垂日月

詩咏勒珪璋賦已揮柔翰仍寫硬黃

君師齊建極性道獨提綱上相欣隨輦新銜竊望洋蹕  
應臨斗分家本住吳閭風景寧殊昨鄉關遠不妨  
荷留密勿地暫隕

御爐香桑梓沾膏雨粉榆喜頡頏禮會觀太學官音  
備東廂釋奠榮膠序臯比列上庠後先原媿美聞  
見協重光

巍煥難爲述

高深未可量東巡擬有頌簪筆幾徬徨

上幸闕里釋奠恭紀

戶部尙書管兵部尙書事 臣梁清標

元后敷文治貞符啓泰年光華凝景慶聲教匪垓埏理  
契軒圖始心參妣範先執中

皇慈極合撰

聖希于絕學留泝泗餘音被管絃累朝陳俎豆六代備  
宮縣遺澤涵終古

宸修叶自然

駕從丹陛發

詔有紫泥傳特舉巡方禮



親臨釋尊筵風雷環柱雲  
絢山川戒事冬齊稷齋  
居致吉蠲舞人張羽葆肉  
吏薦珍饈酒泛三重酌  
香浮百和煙羹牆神貺接

綸綍國恩偏別貯

金莖瑤頻頒

玉府錢殊榮流後裔曠典及前賢講席垂

清問園橋領秘詮  
紱麟徵舊蹟鬣馬展新片  
汎掃皆除

賦陪敦更錫田八荒同律度萬策入陶甄

睿藻星辰麗

鴻章琬琰鏤

鑾輿欣出震

龍德喜乘乾  
海岱高深竝君師  
道法全名言  
誠不易從

此測蠡淵

再紀二律

六龍初駕五雲車  
一路山靈望

翠華涉泗歛來

天子氣圖書重啓  
聖人家雍容法從關  
星緯爛熳

奎章絢海霞

詔下蠲租歌舞處

九霄春雨徧桑麻

其二

泰運忻逢筆上元

時巡環衛儼雲屯

皇猷一代崇經術道統千秋屬

至尊琴瑟錯陳天上曲師儒賚予

聖朝恩振興文教高今古海岱光生禮樂門

大駕幸闕里頌

有序

戶

部

尚

書

臣

陳廷敬

康熙歲甲子

皇帝臨位二十有二年海寓寧和黔黎輯乂仁聲布流

旁暢域外肅肅雍雍咸稱

聖意於時三事大夫颺言曰昔者刻玉遊河披圖巡徂

襄野之駕塗山之會皆能焜耀簡籍垂於方采仰

惟

皇上當位作聖首出建極君師之統千禩一時乃猶屈

已求賢虛懷訪道廣厦網旃之上誦吟冊書潛神



三會盛典 卷二十一  
討研宵旦不輟勤踰儒素遐稽統緒嚮往孔子思  
致殊禮肇盛典者久矣今茲萬國既同文化懋典  
宜遂以時宣省風教展義魯并下塞衆望

皇上凝睿思延廷問久之廼

詔曰事

允師禮重且嚴惟茲二三輔弼暨廷臣之嫻於制者  
采擇古誼以聞又

詔曰汝廷敬實惟予舊講臣其與議所宜行臣從諗臣

後議具上

皇帝曰俞朕慕聖道故因東巡狩詣

先師宅里其好重煩吾民供億於之肆

赦軫農放稅已責弘敷愷澤於天下然後乃歷吉日

協靈辰野廬警路宮正設蹕

玉輿曉升

惟殿夕御前驅朱旗屬車日羽以臨乎岱宗是時未

臻乎闕里也飛旆淮江觀民設教月屆黃鐘旋軫

南陸聿來

聖居覽觀林廟圖書器物之盛嚴恭將事樂奏禮行

光景肸鬩聖歆如答臣廷敷向以儒學猥蒙擢任

又特被

勅旨議禮恭睹禮成不勝歡幸震躍伏而思曰前代之  
崇禮者可紀矣太牢特祀肇自西京褒成課將爰  
及東漢貞觀定朝會之儀開元錫文宣之號器物  
之賜渥於廣順陪位之班詔始祥符至和加衍聖  
之稱承安世曲阜之令皆名為崇儒重道而備物  
致誠忘勢而希至德惟我

皇上為列辟稱首臣以淺識窺較萬世師表之稱則與

乾坤同其悠久也六經表章之澤則與日月並其  
光華也留

鳳蓋於戟門單服禮益所未備也

龍章於鄉校普天率土所共瞻也商皇皇莫與京矣

臣謹拜手稽首而獻頌曰

惟聖體道生民拔萃德踰位兮惟

帝則聖統壹萬類位斯配兮

龍飛於天周覽八極嘉鳳德兮聖作物覩垂祀萬億視

魯國兮

帝開明堂于羹于牆坐則見兮

帝會方岳東西南朔來啟薦兮

鑾車戾止鏘鏘穆穆金絲肅兮

駐蹕古亭雲霞委屬清泉泂兮上公稽首奠豆奔走



昭世守兮暨四姓後博七童考

恩滂厚兮

賜所過租歌騰于塗惠我人兮准

帝福我我神其妥戴

大君兮萃萃髦士百爾濟濟頌聲起兮於赫

帝功與天比崇無終窮兮

聖駕幸魯恭頌四十韻

禮

部

尚

書 張士甄

道際中天盛文成麗日奇

法宮勤丙夜宣室凜晨曦玉鏡心同朗珠囊手自披

笙簧揚六籍黼黻煥重離綱紀千官飭梯航萬國

馳鳳麟遊德囿龍馬告昌期共識君師合誰言政

教岐爰因方岳覲恭

詣

聖人祠城郭鳴

鸞動山川簇仗移諸生環彩尾博士擁臯比俎豆彤

軒列簫韶翠瑄宜以尊還下拜爲享更多儀堯禹  
鬚眉接顏曾劍珮隨巍巍存魯殿肅肅視商彝五  
老迎庭集雙螭繞室欹壁疑藏竹冊堂隱聽金絲  
黃玉低書案紅雲傍講帷考鐘兼伐鼓習禮及陳  
詩嶽嶽羣摧角忻忻竝解頤

恩頒四子後澤被五經司不盡高山仰來過泗水涯長  
春留奕葉復旦喜今茲甫柏遙扶

輦泉林近繞旗尋行築室處想像夢楹時履舄看猶  
見衣冠儼在斯龍蛇盤斷碣烏雀避靈伎異植傳  
梁木殊名辨雜著碑亭聊憩息

睿藻已淋漓玉版凌雲起金聲擲地

典謨真實訓騫翥見神姿詎數唐宗贊還超漢代碑碧  
雞徒遣使青鳥漫銜辭正學懸星日遺書重鼎彝  
道風環海暢心月普天窺書載都俞盛易傳謙德  
撫治知元運世應有

帝爲師河洛浮丹甲堦墀產赤芝六符平似砥五緯合  
如規間氣鍾鳧嶧真儒起浴伊小臣遲扈從獻頌  
效傾葵



恭紀

駕幸闕里詩

經筵講官吏部尙書臣熊賜履

尼山秉教鐸千秋斯道彰懸象揭中天微言復光  
昌表章賴哲辟載籍紀前芳漢高修牢享唐宗薦  
衣裳褒崇竝祠祀宋制備膠庠豈無右文主沾沾  
循舊章至理鮮孚契儀節徒鋪張我

皇天縱聖淵默接羲黃

宸衷太極涵舒卷叶陰陽以茲隆化理一一蕙前王甲  
子貞元會薄海慶平康啓舉東巡典禮秩崇珪璋

帝心尤重道

法駕賁宮牆處修釋菜禮鈞奏何洋洋儒生講席開  
尊俎倍輝煌萬世真師表

親題御墨香

天章揮藻翰貞渴亦琳瑯爰逮四氏裔

恩澤施無疆隆禮兼異數宣布示周行六字盡歡呼斯

文日月光愚臣慙謏陋叨隨

太液傍值茲鉅典成拜手事廣颺

聖駕臨幸闕里祥奠

先師恭紀

經筵講官刑部尚書臣張玉書

康熙二十有三年歲在甲子玉書承乏爲禮部侍

郎會

躬廷稽古省方將有事於

闕里謹從廷臣後蒐討舊文參預末議比及冬丁一

月

乘輿自南旋軫渡淮入兗遂歷泉林抵曲阜詣

先師廟堂降節致虔禮明樂備復詣



孔林臨墓再拜遠近瞻仰莫不欣歎時玉書方屏伏  
 聖廬未及恭與陪扈迄丁卯夏以刑部尚書奉  
 命入京師從沂水紆道肅謁

聖廟迺獲聞

車駕臨幸隆儀異數之詳因得備觀

留助曲蓋及

御書廟額與

御製詩賦贊記之文

天章雲藻照耀宇宙載籍以來所未有也敬賦長句三

十韻以志盛典

子律新調京德昌千戈載戢惠風翔

宸鑾已陟天門迴時邁還經魯甸傍七萃旌麾臨

闕里八神警蹕匝平鄉班聯朱紫園橋盛羽葆丹青

夾陛長肅穆升階嚴北面拜稽當殿直中央詔定行

三跪九叩袞旒佩飾彤帷啓唐開元中追崇孔子以袞冕之服始用王者禮

樂河海儀形斗曜彰乾封中祝文天縱攸儀象器

存三代制漢元和中留儀象尊祭器宮軒樂具兩楹藏渟泓濩

井深涵澤井在詩禮堂後截臬奎文爛吐芒奎文問杏繞

古壇濡雨露杏壇在殿廷前檜標孤幹老冰霜孔子手植檜高三丈

有奇圍四尺在杏壇左側燬于金貞祐苗于元至元自明弘治中復燬又歷二百年不枯不榮其幹

如鐵御製古雲盤石棟龍髻起大成殿九間殿

日射觚稜鳥翼張掌故追探陳典物心傳然契見

羹牆崢嶸舊宅金絲壁金絲堂係清切譚經詩禮

堂講筵設于勉孝勸忠宣諭渥賚衣加秩荷恩讓

御講筵畢宣制最勉忠孝是日賜衍聖公鸞鈴

更指瑩林路祀廟禮成豹尾徐穿栝柏行洙泗合

流川效瑞水經注洙泗二水尼防拱峙阜呈祥阜

城東門日上尊展酌低徊久駕於墓前酌酒

玉趾從容顧問詳駕周覽孔林詳問木辨土宜森異種

樹多不知名皆當時弟子著鍾秀鬱奇香命衍

各以其地所宜移植林內聖

公採著棲果遠避禽知敬孔林內鳥叢棘潛除草

自芳後漢初闕里守衛典祠增卒史漢卒史碑

聖公奏今百戶乞由陪敦拓地永丞嘗拓林地一

朝選詔從所請奇悉除額稅

詔留曲蓋輝車服留曲柄繳詠叶宮聲夏徵商御製五

首一寶額大書懸禹畫萬世師表穹碑矗立煥堯

章御製碑文竝書碑高一丈八尺廣六特崇元聖

親藩薦遣恭親王祭備錄先儒奕葉光周

張朱四子裔先盛事允應垂琬琰齊歌豈宜徧膠

庠微臣近幄嘗趨講末學觀瀾但望洋真等醯雞



窺鳳德儻容樗朽向秋鳴緬思縹筆窮終始孔子感會

子孝行以縹筆作孝經獨抱韋編究否臧董教每慙耕讓畔

祥刑仍藉禮為防欣開殷后三驅網下詔大赦共贊虞

廷五色裳所過賧租人樂愷經過地方有年多黍

可豐穰上元曆紀中天運帝道休明被八荒

東巡雅十三章

都察院左都御史臣徐元文

上帝靈鑒貺我

皇清我

皇采聖

三斤適成克誠九區交暘六英美我

皇度翼翼明明

維歲甲子冬日載融

皇時省方屆于大東

鑿輅雷野芝於翳空清濟漸車靈嶽望風

三會盛典 卷二十一  
我我靈嶽表鎮日岱馳走百神苞并萬態隨彼升  
封虞柴是配

登覽雲物鬱何靄靄洪河決滂長江蕩潏  
龍艦星移及吳之域惠彼小民湛我

皇德還

御六虬袞服是卽

陪尾之陽四源交瀉水哉水哉不舍晝夜

皇過川上神契元化瞻望闕里僕臣趣駕

麟蹤旣邈鳳德何長教澤弘衍翊我

聖皇萬乘至止

夫子之鄉章 挺迎路 香輶升堂  
於赫

夫子濯濯厥靈肅將苾芬祀事孔明鬱鬯龍勺象璵  
犧尊八音克諧羣后駿奔

寢宮轍轍

夫子所憩

皇陟于庭探索琴佩芳颺猗蘭青浮鐵檜見於羹糈其  
容有晬

防阜之林百頃交陰異國珍產蔚爲同岑文楷輪  
困以杖以樽擊其叢著穆哉



皇心

穆哉

皇心更

御雕几爰

命毓圻秩爾孫子肆列組筵進講以次遺經再展

皇心燕喜

皇錫毓圻錦衣貂裘庭列曲蓋以饗春秋毓圻稽首

天子萬壽

皇詔毓圻保艾爾後

東野支封內父是宗錫之冠帶以康周公兩聖作

師文其在必敦篇肅道千載一守

惟星則煌惟雲則爛

聖藻光輝輝于天漢懋建有極登道之岸昭示萬邦如

日斯旦

皇帝幸闕里恭紀十章

經筵講官吏部左侍郎兼翰林院學士 臣 李天馥

我

皇臨御二紀攸歷治洽澤敷禮昌樂輯函夏無塵薄海

有謐邁彼厥初致茲峻極纘古省方乃眷東國

貞元會符令轉姬訾日月載陽獨戊練時

警蹕初清期門欣飛

黃麾甫戒華旄競馳爰遵爰輒業業駉駉

允猶翁河溯洙達泗龜鳧戔戔我鬱蒼蘊異紱馭

六龍憑矚百雉道德藪區絃歌闐闐杏壇在瞻



皇情嘉慰

畧分崇道殊禮維虔有嚴有翼周折中旋萬舞九成韶濩雲咸陳盈博碩儷殫豆籩彼漢太牢何以稱焉

有秩者堂檜實蟠止有蔚者林楷實繁止鐘鼓載考應和鸞止荆棘攸除啓班蘭止泮奭優游威儀閑止

乃灑

宸翰鳳翥龍驤乃攄

睿藻霞蒸雲翔解原六經義度百王勳溢聖裔慶洽聯

行作鎮金祿奕祺維彰

皇帝曰咨咨爾嗣公勿替厥緒永藩于東

弘恩用錫漑暨乃宗爰逮三氏儷惠比隆羣拜稽首敬

承下風

維茲嗣公克欽

休命

御序碑豐鴻文軸瑩集典成書抃風作詠發造化微得

天地正事絕來賢道光往聖

豈曰家乘允屬

國維弘館肇開羣彥景隨匪徒隨之乃揆摛之匪徒

誌之乃警釐之

宸章在望我

君我師

錦帙告成

聖製王綸包含宏大溥洽深仁治統以極道統以真羣

蒙式昭四表澤臻億萬斯年振古如新

聖駕臨幸闕里亦頌曰首

戶部

立

侍

郎

蔣弘道

千秋文教訖遐荒俎豆前陳闕里堂道繼唐虞真

統緒星躔奎壁大文章

益興頌動歌時邁玉鬯

親承肅禩將四海望風欣曠典

皇猷聖澤兩無疆

其二

璇榜

親題麗景開龍文鳳藻挾天才君師道合隆千古雅頌



聖魯盛典 卷二十一  
聲傳動九垓魯殿金絲寧寂寞錦京雲漢重昭回  
更留芝蓋傳

溫詔歲歲常如  
警蹕來

其三

欲陞師道

詔崇褒

聖敬奚辭九拜勞孤竹管吹鸞舞應兩山樽舉嶽雲高  
橫經入侍依

宸幄錫爵推恩速譽髦臣庶歡呼騰  
廡庶灌壇遙和有

松濤

其四

真接聞知千載前右文

景運竝中天

疑流素刃羹牆慕配祀今瞻繪塑全位屬師臣門列戟  
祭從侯爵樂軒懸何緣鉅典逢

昭代如際麟行吐瑞年





其三  
停輅懷先範 握衣入聖門

帝心惟執敬 師道自常尊  
六代絃歌在 千秋俎豆存  
聞知如覲面 效法豈空言

其四

魯地留遺墓 欽崇亘古今  
尼防廻嶂遠 洙泗合流深  
露浥叢蒼潤 雲含古檜陰  
攀條

摘睿藻如見聖人心

其五

不獨壇名谷 兼看草是文  
四時澤受氣 五色爛披

雲

聖主垂清問 遐陬播異聞  
應嗤大同殿 三秀領紛紛

其六

宸翰昭雲表

元師萬古崇 鳳翥映日龍  
跳直擎空篆 刻頌天闕章  
縫仰泮宮 早知海內外  
文治樂同風

其七

啓聖推隆典 姬公溯道源  
三王兼盛業 六學纘微言  
北極崇時享 東蒙等七落  
還聞四氏齊 晉級盡

承

恩

其八

天縱遙相接心傳久不忘一時典禮樂六合向膠庠

帝德河山著

宸章日月光臣工懽際會拜手慶垂裳

幸魯盛典卷二十一終

幸魯盛典卷二十二

聖駕幸闕里頌 有序

經筵講官禮部右侍郎兼翰林院學士 徐乾學

臣聞禮樂之祀百世不絕道藝之宗萬禩永守泗水松楸之地殿接靈光稷門絲竹之堂里通歸德王弩載驚而後俎豆攸崇金書遞出以還牲牢無闕我

皇上以神聖之姿致雍熙之治兩階樂正簫韶昭秉歷之符三禮秩宗珪璧有武功之瑞山川協應日月光華用徵肆覲之儀遂行時巡之舉於時星紀司



歷陽灰動管喬雲不散榮光竟天駐蹕之亭翼如  
講樹之壇旣掃

行宮停輦致享靈祠舊宅捫碑式瞻古殿徘徊乎萬  
仞陟降於兩楹三獻告終六樂具舉智源涵涌文  
繪龍葱集四氏以加

恩進諸生而講藝爰揮

睿藻丕煥

宸章懸針垂露之書綴玉編珠之句雲霞標舉星日昭  
垂加以錦綺紫翠綠函朱額

恩施至渥

賜賚有差至乃撤羽蓋之九旂留諸

殿寢損太倉之萬廩捐彼田租肅將公旦之祠徧秩  
羣賢之祀事有曠而特舉典無鉅而不修且夫褒  
揚至道洪業也崇禮先師上儀也

萬彙屈尊盛節也四方觀化極治也於以媿軌蹟於羲  
農臻憲度於韶夏含齒戴髮渾淳乎禮樂之中反  
踵貫胸匪洽乎詩書之澤矣號顯名遐不懿哉臣  
乾學忝竊庸虛叨逢景烈違史談從岱之廨效吉  
甫頌周之情謹拜手稽首而獻頌曰

防陰祥發泗水源分天垂黃玉神降丹文荒塗典

籍漆室丘墳誰開冪霧實揭星雲大野窮麟幽宮  
走兔堂闕金絲坑銷竹素燼滅江陵波沉底柱五  
厄頻遭六經非故非無顯德亦有乾封祥符駐蹕  
建武臨雍三犧備具六樂春容治非極軌禮故殊  
逢道以人弘聖由天授於樂

熙朝洪惟我

后驪栗扶輪羲軒把袖樂御德車禮耕仁耨羹牆至道  
夢寐微言登山卑垤觀海知源時

臨經席屢

幸橋門

皇情紆眷

聖意逾敦總攬前規旁參政禮議合容臺斷由

綈几推策仲冬披圖甲子秩於岱宗旋

臨闕里葳蕤豹尾颯沓龍旂千乘欲野萬騎斷流山

寒樹直天濶雲稠言停

翠蓋泣止華輶檜徑晨除杏壇夙設璧水鱗紋玉堦  
肪截趨踞五氏森羅十哲祝史詞敝司筵簿藻爰  
觀綴兆乃奏和寧循牆彌肅薦俎惟馨昔讀其書  
今陟其庭淵源一氣登假無形俯仰松楸徘徊棖  
桷展敬封塋還披講幄孝先便便克宗嶽嶽同異



相參精微互駁煌煌

典詰爛爛

奎章銀鈞飛動玉軸琳瑯鳳觀虎卧鵠顧鸞翔輝流翠  
拱麗溢縹緗惟茲羽葆實陳鹵簿

頗謂司儀留諸

殿廡有續皆挾有粟斯雨

思先四姓膏流萬戶大禮備矣

皇日旋歸雲廻黼帳風捲朱旂瞻言繡壤昔有衮衣蘋

蘩

遣告靈爽斯依欽我

聖德巍乎鬱律義峰造天智源盪日登三爲四襲六而  
七小臣作頌摘諸石室

恭和

聖製甲子冬至幸闕里詩

禮

部

左

侍

郎

臣

嚴我斯

詔下巡東土先生闕里堂右文崇禮樂訪道見羹牆遺

韻金絲遠清風檜柏長顧瞻

宸意肅香繞袞龍裳



聖駕幸魯恭紀二十韻

兵部正侍

郎臣張可前

貞元時適會河洛畫重開

聖德由天亶文思出

睿才聲明昭宇宙濺澤暢埏埴庶草蕃蕪起歌風康阜

同爰

勤繞日駕特詣望雲臺氣協三靈集

恩昭萬象廻

龍旂高泰岱豹尾起風雷為道尊非屈隆師禮益培

杏壇真肅穆魯殿更徘徊樂奏雲門舞尊傳漢代

三會盛典 卷二十二  
六  
疊生儒環聽觀裔屬共趨陪濟濟橋門盛雍雍講  
席恢經從

三殿賜篇自五雲裁奎壁聯東序蛟螭畫上台賡賜  
金檢秘捧護赤虹來遺宅施

黃渥深林掃碧苔榮真逾宋蹕光欲滌秦灰曠典人  
咸仰儒風道已該愈知宗孔孟孰敢望伊萊幸值  
唐虞際摘毫愧乏材

大駕幸魯恭紀

禮部右侍郎兼翰林院侍讀學士 臣 王鳳昌

漢帝尊師日軒皇問道年榮光洙水上佳氣稷門  
前祀典千秋盛宮縣六代全

鸞回東岱後地接魯宮偏釋奠新停

蹕橫經舊講筵香登山果熟馨薦澗毛鮮湛露流奠  
鼎文明列豆籩楷枯蒼蘚圻檜老鐵鱗卷宗廟宮  
牆富丘陵日月懸神明來陟降

帝意慎周旋拜手音容接齋心禮數虔兩楹同肅穆萬  
舞共躡躡宅兆無荆棘堂基有管絃深林羣鳥避



遺璧古書傳

鳳旆明朝旭龍旂動遠天

宸章紛藻績

御墨吐風烟遺愛官宗子推

恩賜墓田微言非有諦妙契已忘詮

至治通三極同文徧八埏崇儒邁今古史館待斯編

大駕幸闕里賦

有序

兵

部

石

侍

郎

臣

張

英

皇帝御極二十有三載重熙累洽區宇乂安文德覃敷  
聲教肆訖乃稽古時邁肇事岱宗謁祠闕里典禮  
崇重恩澤優深臣庶懽欣遠邇嘉歎夫元和盛年  
歲平昌世僅奏六代之樂修再拜之文猶垂式簡  
編流輝今古詎有遠

御六龍親誦

萬乘展隆儀於稽拜施殊敬於儒先

聖德顯隆如今日者焉洵足以超軼往牒焜耀前紀也

三晉盛典 卷二十二  
臣 幸際昌時得瞻鉅典雖固陋謏劣不足以發揮  
鴻藻然珥筆承明職茲紀載頌揚休媿敢曠司存  
謹拜手稽首而獻賦曰  
於爍惟

皂繼序纂光本仁祖義昭憲考章奠玉衡於神軸握金  
鏡於天閭調四氣以通正歛八風而協祥於是西  
踰細柳東跨扶桑交河北徼比景南鄉靡不丹梯  
走傳碧海浮航輪琛太府隸名職方耀幽遐以日  
月襲鱗介而衣裳茂萬里以八賁重九譯而來王  
是以化洽太和道隆邃古納九埒之管籥總堪輿

之肩戶參天地之清寧儷貞明之作觀文軌合而  
謠俗同跂喙恬而苴木庶軼埃盍而苟混茫駕羲  
軒而凌三五

天子乃高拱垂裳中央運斗容與義林優游書牖探珠  
淵之秘筌陟玉山之高阜德蕩蕩以無名治熙熙  
而何有既則冲然永念穆然深思曰儀象肇啓道  
法昭垂寢明寢熾惟君惟師羣聖一揆六經同歸  
王澤下竭頌聲式微孕星鈐于上瑞錫麟紱于昌  
期毓龍蹲之至德挺鳳峙之殊姿集大戊于千古  
開絕學于來茲溯平鄉之懿躅景闕里之崇規庶



三晉盛典 卷二十一  
九  
幾哉聞見可接羹牆在斯舉時巡之隆典秩釋奠  
之隆儀爾乃乘大輅控金轡牽翠羽捎文虹屬車  
按節繁吹鳴笳七萃鱗附千官景從馳道則五里  
十里旌門則一重再重集於泗水之上幸於尼山  
之宮斯時也清羽司音初陽應律葭管煙霏芸房  
露茁氣不慄以時寒序將周而朔易撫景物之澄  
鮮攬風雲之明瑟旌旂捲而廣野回春

帳殿開而暮山凝色遂乃肇舉吉祀肅奉精禋春卿  
贊采祠官眠牲朱火西蘊元酒東陳嘉籩廣豆豐  
粢潔盛振羽籥之六舞合成英之九成薦祝號之

明信導神紘之降迎穆穆

宸容靡靡天緯殊禮展謁隆文錫賚覲靈爽之長存儼  
哲人之如在感神契以潛孚體道真而昭對洋洋  
乎優優乎與珠庭月角授受於千載之間玉節金  
鏗酬答於一堂之內也威儀告竣禮度有嚴登堂  
入輿規周矩還瞻聖里之吼啤憩廣庭之靜便布  
兩楹以翼聳峙雙闕以星懸藉杏壇之修蔭挹璧  
池之素漣偃息於道德之府溯泳於圖書之淵於  
是芝蓋重葩龍旂曲柄貴儼一人尊侔萬乘述素  
王之嘉贊發五言之

睿詠海嶽遜其高深星雲竝其輝映斯則

聖天子蘊道之淳風崇儒之殊敬也簪纓陪位衿佩圍  
橋長裾霧會仙組雲影始橫經以讐問旋拊石而  
吹匏誦遺言於姬孔沐雅化於唐姚禮讓之容咸  
近光于黎獻豈弟之澤庶作人于譽髦斯則

聖天子風聲之四訖文治之丕昭也曲阜名區魯原舊  
聚陪敦土田復除繇賦增講肄之常員沛匪頒之  
異數推恩則徧及師儒錫爵則旁流支庶五經博  
士不遺凡蔣之封九命上公奚啻褒成之昨斯則  
聖天子崇德之盛心興賢之弘務也於是采甸侯衛公

卿大夫期門式道執戟荷戈文學掌故之士垂髫  
戴白之徒縱觀典禮瞻濟天衢涵濡化澤屬厭道  
腴旣雀躍而抃舞亦鳧藻而歡愉萬人一口聲滿  
公車惟我

后之東巡修百王之令式答珍貺于三靈聽衢謠于百  
室却瓊檢以勿祈屏銀繩而詎飾騶從清嚴儀文  
簡質吏不譏訶民無供億協時正律埒虞氏之省  
方納賈陳詩儷姬王之述職旣陟山以哀對還翁  
河而問俗採哲陽之舊歌瞻榮光之新燭朝宗滙  
江漢之波玉帛奉塗山之籙非漢日之舉菱乃堯



年之刻玉若乃慶惠殷流湛

恩四周給租賜帛省刑釋囚慮吏

清問博延廣諏如天光之下霽亦露濃之上浮始汪濊  
於五土旋齋淪於九州今又茂明至道導場正學  
虎炳龍章金追玉琢浴我以詩書弘我以禮樂盛  
德登閣大猷輝卓幘六合而被英蕤鼓八紘而排  
氛濁誠振古之隆規開天之偉畧也

天子方且回輿京室倚佩軒墀道岸先陟德契自持  
正  
政考業基命勅幾辨色以臨

黼展視夜而啓彤帷定仁義中正之極稽因革損益

之宜不解冰淵之念彌勤鞅鐸之思所以泰階順  
軌乾筴迎禧上理隆洽茂化雍熙治方侔於砥屬  
俗已進於循蜚四海壽康恬於鶉居之代萬年鼎  
祚鞏於鰲極之儀

陪祀

聖廟奉

命分獻述聖恭紀二十韻

經筵講官工部右侍郎兼翰林院學士 臣 孫在豐

清時崇聖學大禮肅明禋龍衮

天顏穆雞彝禮器陳

翠華臨杏席燎火徹蕭辰典竝郊壇重恩從杞宋均

奎文宣祝史

御手薦溪蘋馥馥香吹霧輝輝燭耀銀灌先闈鬱鬯樂  
盡奏韶鈞瞻仰真無極趨陪敢不寅



聖朝多異數分獻

命儒臣拜聽臚傳唱儀從秩典新緬維麟紱奮直紹鯉  
庭親弓冶成家語鳶魚味道真他年私淑士此日  
裸將人一貫傳猶在中階道不湮鐘彝昭往代琬  
琰列貞珉蝌蚪先秦碣絃歌舊魯民寶書貽復壁  
霜檜歷千春道統川無息王風地少垠羹牆知黽  
勉干籥豈逡巡徹俎隨

鸞輅紅霞映

紫宸

駕幸

聖林扈從恭紀

玉輅南巡海岳還崕峒問道在尼山朱琴瑤瑟傳

天語古檜靈著識

聖顏禮器齊陳雙廡下麟書獨出五雲間自慙章句微  
臣職手抱遺經綴鷺班

皇上駕幸闕里恭紀四律

總督倉場工部右侍郎臣張集

昌平遺蹟想音徽歸德門前

玉輦飛陟降羹牆承道統馨香俎豆肅

天威細詢禮器留黃蓋高揭檐帷識袞衣齊說

至尊親灑翰夜瞻奎壁倍光輝

其二

侍從千官肅裸將杏壇碑下拜分行禮同肆覲追

虞夏事異登封陋漢唐老弟承先煩

寶訓松筠表節爛



奎章尼山絕業今重振文教從茲沛萬方

其三

臨雍釋菜史曾誇闕里難逢駐

翠華堂敞金絲時進講水環洙泗早停車楷林共識千  
年樹文草親攀五色花尙有永和書法在獨存遺  
澤聖人家

其四

奎文閣下立移時歷代尊崇百世師真覺風雲流  
灌莽長懸象緯昭壇墀紋呈蚪蚪庭留澮瑞叶河  
圖墓有著無限穹碑標綠字豈如

御筆獨題詩

聖駕幸闕里林廟恭紀二首

兵部督捕侍郎臣趙士麟

泗水鍾靈萬世師攝衣再拜儼彤墀親承

鳳輦回鑾處轉憶麟書吐玉時列代明禋留劔珮兩

楹釋奠肅威儀當年弟子親封樹古幹喬柯覆墓

碑

其二

禮器衣冠尚可稽鬱葱佳氣此攀躋北連泰嶽朝

宗遠東對防山望眼迷雲鎖長林知是瑞鳥巢別

樹不聞啼









聖秉覺民之木鐸握定世之珍符繫易象而作春秋剛詩書而正禮樂王事備天德明軌則咸昭彝倫式敘蓋九皇之軌躅獨萃平鄉七聖之源流同歸泗水矣兩楹告夢諸子雜興正學衰微羣言淆亂非無英君誼辟恢大業於方新學士大夫探微言於將墜而道風猶鬱治化不醇然則代閱千年緒分百氏而欲六五帝四三王闡虬圖攬鳳德使景星慶靄暉麗於中天玉節金聲鏗錡於終古自非

聖人而在

天子之位其道無由也

皇帝纂述丕基撫定方域聰明睿智質直於生知文武聖神德全乎廣運天策內攄而八紘風動威弧外指而六合雲行黼幄澄懷則

宸鏡徹圖書之蘊彤泥發檢則

奎章揭日月之華縕瑟而協氣同流垂裳而兆人自理大猷升矣皇風穆焉然後憲軾南巡結旌東邁

躬臨闕里謁祀尼山詘

萬乘之尊修嚴師之敬威儀命秩典禮有加

睿藻鋪宣大文炳煜褒衣博帶之士踴躍而趨風瞻雲

就日之民咨嗟而觀化臣以謏劣備職禁林遵會  
休明宜有宣述茲又欽承

諭旨校對

幸魯盛典一書竊以爲

皇帝德化焘於唐虞道統承於洙泗以聖合聖以心契  
心鴻章鉅典洵簡冊所希聞而古今之僅觀也敬  
拜手稽首而獻頌曰

璇樞啓泰瓊筴迎長三階有謚七曜重光丹堊集  
陛紫茵生房道洽政治洪惟

聖皇上繪下締左干右羽薈萃禮園翔翔書府衢室採

風明堂稽古萬彙順成百昌蕃庶至仁普獲淳化

鹿鴻受球冀北鳴

鸞充東泛瀛絜廣踐嶽侔崇謁祠

宣聖展禮滋共乃戒乃儆乃洗乃盥廣樂在懸黃流  
在瓚薦號几筵登歌絃管俎豆之容愉愉衍衍越  
若邃古儀象初垂以治以教作君作師羲軒首出  
勲華代推禹湯文武羣聖同規嶽嶽尼山洋洋泗  
水祖述先型憲章往軌斯理未泯百世以俟道統  
攸歸在今

天子河珍剖韞洛寶開鍵道貺靜契德符動宣光闡經



術寵貴儒先聲漸教被民陶物甄貞觀者天貞明者日炳炳

皇猷巍巍

聖德臣厠禁廬丹鉛是職稽首頌颺式示無極

皇帝親祠闕里雅一篇 有引

內閣學士兼禮部侍郎臣李振裕

岱宗尊聖也

皇上文德武烈震揚域外海隅晏安民有禮樂絃誦之

習蒸蒸嚮風迺循覽謠俗還迴闕里以太牢祀

孔子禮儀致敬賚予有加詠歌其事而作詩以賦也

其一

岱宗巖巖遐邇具瞻登封受命

上帝是監維嶽降神篤生

尼父大道昭明炳焉終古

於

其二

皇時清繼天立極累洽重熙與民休息苞葉既除干戈  
永戢偃武修文風行四國

其三

歲維甲子曆起上元

翠華南指旌軒雲屯肆觀東后百辟駿奔頻臨日觀旁

矚天門

其四

泰山之陽曲阜之宅

萬乘回鑾里門是式奕奕本支恭迎

清蹕下輦升堂祀典攸秩

其五

軒縣鞀矣樂具奏矣尊罍既陳饗醴侑矣俎孔碩

矣

天子薦之豆孔庶矣

天子薦之

其六

祝史有辭我

皇黼藻日萬世師揭此顯號華蓋九旂于于廟涖公



孟子亦越奠告

其七

皇曰噫嘻相予肆祀濟濟臣工莘莘胄子布席橫經披

陳奧旨圓橋肅聽

睟容言喜

其八

皇陟泉林厥流孔滂

皇撫檜文厥枝孔虬憩之植之曰惟

尼父

皇心愉愉爰紀爰賦

其九

帝恩優渥零露瀼瀼流根潤葉受祉無疆唯曰賚之孔

氏之光斯文丕顯邦家之慶

其十

泗水湯湯孔林蒼蒼文草靈

藹趾之旁樵蘇有崇舊不踰頃今也廓之敷兼常等

其十一

奎畫有煒垂象神宮取彼琬琰是琢是礪豐碑百尺率

律大東歷年億萬與

其十二

維山有岱維天有漢

皇德是峻

帝文是煥大道彰矣治化翔矣日月星辰慶重光矣



幸魯盛典卷二十二終



